

մանկագրունից, զԳրիգոր և զԿիրակոս, այնչափ հարին չա-
րաչար, մինչեւ անկան մորթիքն 'ի մարմնոց նոցին, և այն-
պէս կատարեցան 'ի Քրիստոս։ Չմխիթար ըէյիզն եւ զմի
միայնակեաց յազգէ մերմէ տարան յեգիպտոս և անդ ըս-
պանին զնոսա։ Կալան և զՏէր Մկրտիչ Արք եպիսկոպոսն
Երուսաղէմի և բազում խոստմամբ ոչ կարացին խախտել
զնա 'ի հաւատոցն. ապա կապանօք և ազգի ազգի տան-
ջանօք չարչարեցին, և նա համբերեաց վասն սիրոյն Քրիս-
տոսի, եւ յաղթեաց յամենայնի Տերամբ, որ տայ համբե-
րութիւն սիրողաց իւրոց։ Յայս նեղութիւնս Աւետարանն
իմ 'ի Գողգոթայ միտց եւ ոչ կարացի հանել զնա, յորոյ
վերայ վշտացաւ սիրտ իմ, և հատաւ յոյս ակնկալութեան
իմոյ միւսանդամ տեսանել բացեալ զդուռն տաճարին
Ս. Յարութեան, և զԱւետարանն։ Ապա ածի զմտաւ թէ
գողցացան զայն, եւ ես մնացի անյիշատակ, ուրեմն ձեռն
արկից զրել զտարեգիրքն (ձաշոց). և տացէ ինձ Քրիստոս
կեանս տեսանել զխաղաղութիւն աշխարհի եւ զաւետա-
րանն, ծախեցից զայն 'ի մարմնաւոր պէտս իմ։ Ողորմածն
Աստուած, որ կառարէ զամենայն բարի խնդրուածս՝ զկնի
չորից ամաց ետ տեսանել մեզ այնպիսի ուրախութեամբ,
զոր այլ ոք չէր տեսեալ, եւ գտի զաւետարանս, զխաչն
զկոճակն և զկոտորէն քակեալ էին, և ուրախ եղէ 'ի փառս
Քրիստոսի։ Եւ վասն առաջի ուխտիս որ գրեցի զսա Ս. Գող-
գոթայիս ոչ կարացի ուխտադանց լինել, այլ ետու զսա
ըստ այնմ, զքոյս 'ի քոյոց քեզ ընծայեմք յամենայնի կա-
րող Տէր, 'ի թուին Հայոց 814 (1365) 'ի 12 Յուլիս. գրեալ
'ի Վարդան վարդապետէ Բաբելոնացոյ 'ի գեղջէ Երմիուսոյն
այս Վարդան վարդապետ կացեալ յերուսաղէմ տմ 12. գրէ
2 ձաշոց գիրքս. մին Գողգոթայի և միւսն Ս. Փրկչի. եւ
1 աւետարան Ս. Ծննդեան. երթայ 'ի Սիս եւ մնայ անդ
ամիսս 9. ձեռնադրի եպիսկոպոս 'ի Տէր Կոստանդին Կա-
թուղիկոսէ։ Աւետիս արեղայ եղբայր սորին գայ յերու-
սաղէմ, և չգտեալ զնա անդ՝ երթայ 'ի Սիս եւ առեալ
զեղբայր իւր տանի 'ի Դրիմ, ուր զկնի 6 ամսոյ վախճանի
Աւետիս՝ և ինքն Վարդան եպիսկոպոս գրէ միւս եւս ձա-
շոց անդ 'ի Դրիմ վասն Ծննդեան վանաց և առաքէ յե-
րուսաղէմ (1377)։